



Foto: Editpress/Anne Lommel

# Kommt mir schweetzen!

LUXEMBURGENSIA Echternach(isch/-er) ass schinn ...

Guy van Hulle-Bisdorff

An Echternach\*, deem voam Andréi Duchscher\*\* an Isi Comes an hiren Texter schunn deemols viroa ville Jaouere vill geprisenen a besongene „schinne Steedchen“, hoat esu moanches am Laf voan der Zäit changéiert, an déi zwin talentéiert al Jongen, kimen si näs en Kéier zrëck, giwe sich wol kaum noach an hirer léiwer Häimicht erëmkeenen, an déi flaach Sprooch voan hett do verston, well esu moanches, wat d'Preisen am Kréig net gesprengt oder is Alliéiert collatéral bombardéiert hoan, guw spiderhin onwerloagt ofgerooft, an op en moutwëllig Oart a Weis an e Kupp gehäit a supriméiert.

Su ass et deem stattlichen Duchscherhaus kierzlich ergaang, an déi schinn Tak, déi vir oan der Fassad oan deen industrielle Literat a Poet (respektiv poetischen Industriellen ...) erënnert hoat – hautdesdaags ass esu en Mëschung voa „Schöngeist“ a „Goss“ wuel kaum bäi ise Macher a Promoteren virstellbar ... – bleibt bis dato spuerlos verschollen. Ass d'Plak ieren äs zesoame mam Bauschutt recycléiert geen oder anerwäerts verschwonnen, kä wäass et oder wëllt et esu richtig wëssen, och wann de Buergermäister, dee mir matzen an, derzou och noach oam Oafank voan darselwichter Duchscherstrooss, oagehal a doarno gefrot hoan, is gintiwer, e bësje enervéiert, voire embarasséiert, gemäänt hoat, se

misst dach wol iergendwu am „Service technique“ voan der Gemän ze fanne säin ... Vlächit geschéit e kleent Wonner an den heilige Willibrord léisst si erëm en Kéier opdauen, wee wäass? Opgepasst, dat se da käm op d'Ziewen fällt, well dat deet rose wie! Hoffentlich gät et mat där historischer Weckertak net wi mat deem schinne monumentale Bild voam Pavillon, dat de Knorr gemoolt an dat ä an „Zëmmesch“ joarzéinte laang hannen an der Pâtisserie bäi er Taass Kaffi an em gouden Tiikéichelche bewonnere konnt – dat war nieft de Macarons-Mous hir Spezialitéit – an deen Tableau scheint elo der Allgemähät fär iwig virethalen ze bleiwen! Et ass och bis hett net vergeess, dat se Löschenhaous deemols iwer Noacht an e Kupp gehäit hoan. Dogint waren is däitsch Frënn an der Weilerbach op der anerer Säit voan der Sauer alt näs en Kéier mi wäitsiichtig an hoan een ähnlicht Lostschleesjen obschunn et am Kréich wärend der Ardennen-offensiv biss Aschlié ofkréit hat, erëm häerlich restauréiert an et zu kulturellen Zweck, wie z.B. äner „Schubertiad“ genotzt! Zum Gléck hat de Frënd „Caltex“ (deen de Pavillon am Park net wi säin Nofolger deprimant maugro ogestrach hätt) d'Tierrm voan der Buergermauer, grad wi dat ganz wäertvollt an ee bësje hannerwands geleeent gotischt Haous am Zentrum, retten a renovéiere kënnen. Ma haut ass ise Frënd Georges leider an der Pen-

sium, an héchstens noach samsdes „am Pudel“ beim Aperó oan der „Table ronde“ voan de lokale Notablen ze geséin.

„Conservateur du peu de patrimoine restant“

Wat Echternach elo dréngend bräicht, weer vill ischter en neie „conservateur du peu de patrimoine restant“ wi luussig Bauspekulanten, zwäbäinig gehornete Muffelen, weider „Schneifelhaiser“ oder – fär mat der Moud ze gon – d'Verpflichtung voan em trendige beigeproofften „Stadtmanager“ voa baussen eran ...! Absolutt positiv ze bewäerten ass dogint déi flott Initiativ voam Professer Jeff Thill seim „Quaachleker“\*\*\*. Béicherbuddik an der fréierer Apdékéit „du Cerf“ oam Moart grad wi dem Brocanteur séi Buddik mat e par echten Raritéiten, am Keiffer seim fréiere Lokal, direkt richt eriwier voa Kuffesch, net wäit voam Agank zum „Gebaaken Hoof“. Am „Philosoff“ kann een nees sei Pättchen drénken, an dat ass en fei Saach, mais aus der Nonnemille guet e kleent verbauten „Las Vegas“, en Zort Lunapark a Konsumtëmpel, fir deen iwer honnert Beem, derzu net wäit voam „gréine“ Carole seiner Specksmillen eweg ..., hoan misse droa gläwen!

Neef deene materielle Verloster gëtt et dan zousätzlech oder parallel derzou och noach dee voan der

Echternacher Sprooch a Mond-oart, déi los awer sècher aus dem Gebrauch kum an oam Vergoan ass, an déi et elo ze rette gëlt. Dem Andréi Duchscher, Isi Comes, Nékel Welschbillig, Max Menager, Marcel Lorenz, Muerzel Simon a villen anere Stoak-Echternacher, dorëner och eise Grussëlteren, féile mer is schu bal verpflicht, dës Sprooch mat all hiren fotten Ausdréck an déi domat verbonnen Traditiinnen a Gebräich – wie z.B. Foasicht – erëm oplewen ze loosson, an se viroan hirem losen, ma sècheren Ofsterwen an Dud ze retten.

Zu dësem Zweck loaden äich eech eleimadder op en ischten ongezwoenen Treff – beiléiwe keen Café littéraire fir Boboen ...! – an deem neien Echternacher Béicherbuddik oam Moart an, wu mer geméitlich an em passende Kader zesoame Geleeenhät hoan, is erëmzugeséin respektiv is keenen ze léieren an bäi äner Taass Kaffi, Ti oder färwat net och em Mini voam Wohli riicht iwer eist Echternachischt opzefrëschen, driwer ze diskutéieren, suwuel d'Aussproch wi d'Schreiwweis enner d'Lupp ze hollen, nozelasteren ä voan dem anere bäizelieren, Anekdoten an al Erënnungen auszegroawen an dobéi gläichzäitig iwer dee Wee verséichen, iser Mondoart, déi is oan d'Häerz gewoas ass, en Zoukonft ze sècheren ...! Dee genauen Termain kréid der spiderhin noach, ma esu bal wéi méiglich an der geschriewener Press matgedält!

\* Déi eelst Stad am Land – dat soll hei ä fär allemol gesot säin, a meerk eech dat – häascht Echternach, Echternach geschriwen respektiv Echternach ausgeschwat a geschriwen, dat leezt fär Puristen, déi voan hei a färwat net och fär bäigeprooft Touriste voan iweral an aus der Frimd ... Wann „Echternach“ och am Telefonsboh oder deem än oder aneren Oertsschield (Aua „Ponts et Chaussées“) an och esugoar, steelt eech emol su en Häresie vir, am lokale Gemäneblad ongestrooft virkommen doerf ... – „Majusebett“ hätt mein Grussmamm Anna Bisdorff, Kräasch gedoen, wa se dat geséin hätt ... – esu ass a bleibt dat grondfalsch, an et dät mir all Kéier persinlich wi an den Ueren, an ich kënn kräischen – net nëmme bei den Duddesannoncen –, wann eech dat lesen oder mer et mat oanhire muss!

\*\* Den Andréi Duchscher (1840-1911) hoat ganzer 11 Theaterstécker a vill aner Texter an der lokaler Mondoart geschriwen. 1873 hoat en zu Wecker en Géisserei gegrent, déi och noach haut ënnert em aneren Noam a mat auslämmischem Kapital hire Fortbestand hoat, a weiderhin mat Metal ënzegoe wäass. En laang Zäit war heen och mat dem Caspar-Matthias Spoo an äner gemeinsamer Firma assoziéiert.

\*\*\* E „Quaachleker“ ass e Kaweechelchen, „a squirrel“ in English, „un écureuil“ en français an, wi jidderä wäass, „ein Kaweechelchen“ op däitsch.